



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

VII. De prauis dæmonum studijs & infestationibus, ad homines seducendos
& perdendos.

[urn:nbn:de:hbz:466:1-72856](#)

cuius delectationis, disputatur inter Vasquez disp. 242. c. 3. & Suarez hic c. 15. Breuiter dico, nullam vñquam veram delectationem, sed solum phantasticam & affectatam esse in dæmonibus, prout homines perniciaces, amaritudine repleti, ostentant nonnunquam lætitiam, quam non habent. Ita docent S. Thomas in 4. diff. 45. q. 1. a. 2. quæstiun. 1. Gabriel in 2. d. 7. q. 1. a. 3. Ockam, in 2. qu. 19. & Vasquez loc. citat. et si contrarium sentire videantur idem S. Thomas hic. q. 46. a. 3. ad 1. cum Augustino lib. 2. de Genef. cont. Manich. c. 17. & Alensis 2. part. q. 100. m. 4. a. 1. & 2. & Suarez loc. cit. Ratio est, quia iuxta Aristotelem 7. Eth. cap. 14. Omnis voluptas vehemens pellit dolorem: Ergo etiam dolor vehemens pellit & impedit voluptatem seu lætitiam; et si non impediat desiderium, sed potius accendat. Atque hæc de pœna dæmonum satis.

DVBIVM VII.

De prauis dæmonum studijs & infestationibus, ad homines seducendos & perdendos: speciatim an dæmones absque speciali permissione Dei, siue p[er] se, siue per striges, maleficosque homines, nocere hominibus possint.

S. Thomas 1. p. q. 64. a. 4. & q. 114.

DE hac re solum generatim & breuiter agit S. Thomas q. 64. a. 4. ex instituto vero & particulatum q. 114. Nos supponimus id veluti principium, quod dubio præcedenti docuimus; dæmones quosdam ex diuinæ prouidentia dispositione in hoc mundo inter homines degere, partim v[er]dum Deo permittente, ijs tentandis & exercendis operam ponunt, bonum eorundem, Deiq; gloriæ veliniti, & quasi præter intentionē p[re]curent & promouent, vt pluribus disserit Chrysostom⁹ homil. 1. ad populu & p[ro]sequitur Barradius lib. 2. concord. c. 8. & seq. partim etiā vt veluti ministri diuinæ iustitiæ, homines obsua peccata castiget & puniant; quod Deo etiā non unquā p[re]cipiente & direcete volente facere possunt, in ijs p[ro]enīs exequendis, qua p[ro] se culpa vacant, vt bene declarat Suarez hic 1. 8. c. 20. n. 7. & 8. Vnde Beda 1. var. q. q. 9. Quoties, inquit, Deus quocund[am] flagello huic mundo irascitur, ad ministerium vindictæ d[omi]ni (mali) mittuntur: qui tamen diuina potestate coerentur, ne tantum noceant, quantu cupiunt. Hoc principio posito, r[es] h[ab]et omne aliquot quæstiun. breuiter explicabimus.

Primo igitur quæritur, vtrum omnes dæmones promiscue ad tentandos homines in hac vita incubant. Respondeo breuiter ex dictis dub. p[re]c. immedie ac per seipso non tentare, nisi eos, qui in terra seu ære inter homines degunt; quod quidē contingit non omnib[us] simil, nec determinate ac p[er]petuo certis quibusdā, sed alternatis quasi vicibus, modo his, modo alijs; hoc solum excepto, quod suprem⁹ Lucifer in inferno vsq; ad tempora

Antichristi alligatus creditur, iuxta Apocal. 20. At vero mediate & consilio atq; hortatione credibile est, omnes pariter ad seducendos homines operam conferre: cum id & facile possint, & ob suū, quo erga homines feruntur, odium & inuidiam, vtique etiam velint.

Secundo quæritur, vtrū inter dæmones, quo ad homines tentandos, sit aliqua subordinatio, ita vt alij aliorū iussu & aueritate hac in re ducatur. Respondeo cum S. Thoma q. 109. a. 2. Guilielmo Parisiensi 2. part. de vniuer. p. 2. c. 14. 15. 16. & Magistro, & comuni Doctorū in 2. d. 6. sententia, quā bene explicant Gregorius de Valentia disp. 8. q. 4. pun. 3. & Suarez hic l. 8. c. 2. 1. esse plane inter dæmones aliquā prælationem, fundatam quidem in ipsa corundē natura, prout alij alijs secundum speciem sunt superiores; sed quæ tamē tum ex voluntario corundē consensu, tum etiam ex ipsa ordinatione diuinæ prouidentiæ ac sapientiæ, partim id permittentis, partim etiā ad bonum finem ordinantis ac dirigenis eam subordinationem, cōpletatur & perficiatur. Hoc significatur à Christo Luc. 11. v. 17. *Omne regnum in seipsum diuisum defolabitur.* Et si satanas &c. Et ab Apostolo Ephes. 6. v. 12. inter dæmones referuntur principatus & potestates, quibus 1. Cor. 15. v. 24. adduntur virtutes, vbi dicitur: *Deinde finis: cu[m] tradideris regnum Deo & Patri, cu[m] euacuaueris omne principatum, & potestatum, & virtutem, vbi glossa ordinaria: quandum, inquit, durat mundus, Angelis præsunt, dæmones dæmonibus, homines hominibus, ad utilitatē viuentium, vel ad deceptionē; sed hominibus collectu, iam omnis prælatio cessabit, quia necessaria non erit.* Et Augustinus 83. q. 69. ait: *Euacuando omnem principatum & potestatum, manifestari & omnibus notis fieri, nullum principium vel potestatum, siue celestium, siue terrestrium, per se habuisse aliquid principatus vel potestatis, sed ab illo, ex quo omnia, non solum vi sint, verum etiam vi ordinata sint.* Et ratio est. Quia prælatio inter naturas species distinctas, & ex se inuicem sua natura pendere aptas; fundatur in ipsa præstantia naturæ, secundum quam inferior à superiori dependet; hæc autem diuersitas naturarū conuenit Angelis, tam bonis, quam malis, vt dictū q. 1. dub. 1. Ergo. Qua ratione etiam S. Thomas loc. cit. sentire videtur, ex ipsa quoq; præcise natura rei, atque in omni statu, Angelos inferiores fuisse superiorib[us] subiectos: quod tamen negat Suarez cit. capit. 2. 1. num. 14.

Sane quia Angelii mali ab initio motioni Luciferi se peccando submiserunt, tum etiam vt post lapsum eorum regnum in ordine ad seducendos homines stabile esset, valde credibile est, inferiores etiam voluntarie consenserent in prælationem superiorum; et si nec dubiu, quin in ipsa executione, pro libertate arbitrii sui, s[ecundu]m etiam reluctentur, vt recte Valentia loc. cit. præterquā quod diuinæ prouidentiæ ordo ad bonum finem hæc omnia ordinantis non permittit, vt suo arbitratru singuli ad hæc studia ferantur: et si quidem positiue etiam nō velit aut intendat, vt inferiores superiorib[us] in prauis eiusmodi studijs & p[re]curationibus obtemperent; quia malū velle non potest.

Sed nec Deus ipse, ob candem causā, positiue

inter

inter demones ministeria nocendi distribuitur, ut significat Bonaventura in 2. d. 6. quæst. vlt. sed potius Lucifer, ut eum S. Thoma q. 114. a. 1. & Guilielmo Parisiensi recte Suarez cit. capit. 21. à numero 25. Quæ autem præterea in particulari à nonnullis circa hanc prælationem referuntur, tum à Guilielmo Parisiensi loco citato capit. 5. 8. & seq. tum ab alijs, incerta sunt, ut post Binsfeldium libro 6. de maleficijs prælud. 10. recte noravit Suarez cit. capit. 21. numero 21. Quomodo autem superiores demones etiam possint inferiores violenter loco mouere, vel sistere, et si directe eos ad aliquid agendum cogere non possint, patet ex dictis quæst. 5. dub. 2.

Tertio quæritur, an dæmones ab exordio mundi, & nunc etiam cunctos homines ex æquo infestent. Respondeo, sine permissione Dei, dæmones nihil in hac refacere posse, ut inferius dicetur; & vero hac permissione non exclusa, iuxta SS. Patrum & Scriptura doctrinam, discrimen est inter varios status seu etates mundi. Nam in statu innocentiae non permisus est dæmon itare tentare hominem, sicut post peccatum illuc enim solum exterius suadendo tentauit; postea vero etiam interius alluciendo seu inclinando, ut dicetur.

Secundo post peccatum usq; ad Christum multo infelix tentare ac persequi homines permisus est, quā post aduentū Christi hinc enim passim idolorū responsa cessabant; nec tam frequentes, ac prodigiosæ elementorum perturbationes a dæmonibus excitari potuerunt, præsertim vbi crucis Christi trophæum erectū, aliaq; fidei nostræ symbola in visu essent. Quo tempore etiam usque ad persecutionem Antichristi, Lucifer in inferno aliquatus creditur. Apocal. 20. v. 2.

Tertio inter ipsos etiam homines hoc tempore discrimen est, quia baptizatos vniuersim & à toto genere minus permittitur infestare, præferentim externis & violentis machinationibus, quam infideles non baptizatos; ut etiam è terris Ethnicon ac gentilium, nempe India tam Orientalis, quam Occidentalis, multo horribiliora diabolicae virtutis ac potentiae documenta ad nos scripta transmittuntur, quam in terris Christianorum audiantur. Ut cum illic dæmones visibiliter ac familiariter palā inter homines versantur, docent, monent, puniunt &c. cum supra fidem prodigiosas sāpe tempestates cōtent, aliaq; eis documenta inferunt; quorū et si non unquam etiam vicini, seu permixti inter Ethnicon Christiā participes hant, credibile tamen est, ea non nisi ob Atheismi seu gentilismi impietatem, communiter ijs locis adeo inolitam, à DEO permitte. Idem fere seruata proportione dici potest de fidelibus iustis, si cum peccatoribus conferantur.

Quarto discrimen est inter tempora postrema, seu extremo iudicio vicina; & anteriora. Nam sub tempore persecutionis Antichristi, rursum soluetur Lucifer, maiorq; tyrannide seuire permettur, ut colligitur ex Apocal. 20. v. 3. 7. & 9. De qua re passim agunt SS. Patres, speciatim Cyprianus lib. 7. epist. 4. seu epist. 77. Laetantius lib. 2. Instit. capit. 15. Athanasius in orat. cont.

gentes, Chrysostomus homil. 1. ad populum, Gregorius Nazianzen⁹ orat. de natu. Chrīst. Augustinus 20. de ciuit. cap. 7. & serm. 197. de temp. & Gregorius lib. 32. Moral. cap. 12. vbi tempore gratiæ dæmonem dicit esse ligatum; quia potentia diuina distinctionis adstringitur, ne in quantum nocere valet, eff. enetur.

Interim recte Suarez citat. cap. 18. numero 17. annotat, eam dæmonis potentiam non semper limitari à Dæo, pro ratione, aut certa conditione, seu statu personæ, vel Ecclesiæ; sed sepe Deum, pro solo sua voluntatis consilio, ac libera electione, hunc grauius, illum leuius; hunc frequenter, illum rarius; vel in hac, vel in illa materia tentari permittere; ac vniuersim aliter electorum tentationes moderari, quam cæterorum. Quia in hoc nulli facit iniuriā, & cui vult, facit maiorem gratiam.

Quarto quæritur, qua ratione vniuersim dæmon homines infestet. Respondeo iuxta S. Thomam q. 111. a. 1. 2. 3. 4. & q. 114. a. 4. & 1. 2. q. 8. a. 1. & 2. generatim hoc eum facere duobus modis; primo exterius, & per effecta externa affligendo, siue tentando; siue interim simul visibilis ipse in assumpto corpore appareat; siue non; iuxta ea, que de hac re generatim docuimus quæstionem. Secundum interius alluciendo; non quidē directe & immediate inclinando voluntatē; hoc enim Dei propriū est; sed prauas suggestiones seu cogitationes, phantasmatum seu humorū cōmotione, ingerendo. Quia ut ex comuni bene docet Suarez lib. 8. c. 18. n. 8. diabolus non aliter tentat hominē, quam imitando prauas cogitationes, vel interius phantasmata (motis spiritibus animalibus, quæ sunt quasi vehicula phantasmatum) aut etiam ipsum corpus humoresque commutando, vel exterius obiecta sensibilia incitantia ad malum offerendo, vel etiam aliquando exterius sub diuersis figuris apprendo, & loquendo; adde, vel varijs effectibus, quosipse per se, aut per causas secundas producere potest, hominē cruciando, ut fuse perficitur Cassianus collat. 7. à cap. 9. usq; ad 16. In qua re tamen omni, Benedicē Deus non patitur nos tentari supradid, quod passumus, sed facit cum tentatione prosernum. 1. Cor. 7. v. 13.

Quinto quæritur, an diuersi dæmones sub diuersis duebus destinatis, qui ad diuersa vitia ex instituto impellant, eorumque propagationē promoueant. Affirmant Origenes homil. 15. in Iosue, Hieronymus in Abacuc 3. & Ephes. 6. Cassianus collat. 7. cap. 17. Magister in 2. d. 6. & Guilielmus Parisiensis loc. cit. aliquo apud Binsfeldium citat. prælud. 10. Nec est incredibile; sed incertum, ut bene Suarez lib. 8. capit. 21. numero 28. Sicut enim idem bonus Angelus ad cuiusque virtutis honestatem promouet, ita vero simile est, ad quodlibet vitium pro re nata impellere ex dæmonibus quemlibet, ut docet etiam Gregorius lib. 32. moral. cap. vlt. Et quamuis in scriptura quidam dicatur spiritus mendax 3. Reg. 22. alius spiritus fornicationis Oseea 4. alij spiritus seductores 1. Timoth. 4. non est tamen necesse; ut hi spiritus intelligantur ex parte subiecti seu personæ esse diuersi.

12 Sexto queritur, an dæmon vicitus in oppugnatione hominis, saltem ad tempus recedat, hominemque dimittat; statim enim ad inferos detrudi, præced. dubio negatum est. Respondeo iuxta communem affirmatiue. Ita tradunt S. Thomas r. p. q. 114. a. 5. Egidius, Richardus, Durandus & alij in 2. dist. 6. & colligitur ex Luc. 4. v. 13. Et consummata omni tentatione, diabolus recessit ab illo, usque ad tempus. Et Iacob. 4. v. 7. Refugite diabolo, & fugiet a vobis.

Veram hoc intelligendum moraliter & ordinarie non post singulas partiales quasi tentationes, sed post tota aliquam machinationem, quæ pluribus saepe insultibus constat, perfecte deuictam: pudet enim tunc quodammodo dæmonem inimicæ victoriam, sibiq; à victore metuit: præterquam quod hoc benignitatem diuinæ prouidentiæ admundum, consentaneum est, vt victorem aliquantisper subleuer. Quod tamen non obstat, quo minus postea dæmon audacior insitiat, iuxta Matth. 12. & Job. cap. 1. & 2. & Gregorii lib. 10. epist. 38. & lib. 3. Moral. c. 8. & l. 32. c. 16. & Cyprianū epist. 6. vbi ait: Fortiorum magis aggreditur, & acrior factus, hoc ipsi, quod vicitus est, superante superare conatur.

13 Septimo queritur, an sicut de bonis Angelis sequenti dubio dicetur, ita etiam Deo permittente, & Lucifero disponente, ex malis Angelis, singulis hominibus à nativitate proprius adjunctus sit aduersarius & impugnator. Respondeo ex communis & valde probabili sententia Doctorum, affirmatiue. Ita enim cum Magistro in 2. d. 6. communiter tradunt alij Scholastici; & docent Origenes homil. 35. in Luc. & 3. periarachon cap. 2 Gregorius Nyssenus lib. de vita Moysis, Tertullianus lib. de anim. cap. 39. vbi multa Pamelius n. 451. & plura Eugubinus lib. 8. de perenni Philosophia, & probable censem Gregorius de Valentia disp. 8. q. 3. pun. 4. Vasquez disp. 245. cap. 1. Suarez hic lib. 8. cap. 21. num. 31.

Ratio est: Quia dæmon studio nocendi cupit ex aduerso, quoad potest, paria facere cum Deo; nec deest facultas; quia tametsi non sit tanta multitudo dæmonum, quanta Angelorum, facile tamen credi potest, etiam ex infimo ordine tantum esse numerum dæmonum, quantus est omnium hominum simul viventium; præterquam, quod verisimile est, aliquando etiam fortasse ex superiori ordine ad idem officium aliquos destinari. Deus autem ob eandem causam hoc ipsum facile permittit, ob quam vniuersim homines à dæmonibus tentari permittit.

14 Octavo queritur, vtrum dæmones suo arbitratu, sine speciali permissione Dei possint homines tentare, eisque sive per se, sive per striges noceare. Respondetur in modum sequentem. I. sine permissione aliqua diuina nihil in hoc genere dæmones præstare possunt. Ita omnes; & tradunt passim SS. Patres, speciatim Cyprianus in expposito. orat. domin. Augustinus in Psal. 61. & 100. Damascenus lib. 2. cap. 4. & Bernardus lib. ad sororem cap. 67. Ratio est: Quia nihil sit, nisi Deo vel faciente, vel permittente.

15 II. In consuetis tamen modis impugnandi non est opus speciali permissione Dei; tametsi etiā in-

his subinde Deus per se, vel p. Angelos eorum contus impedit vel infringit. Ratio est: Quia hæc potestas permissa intelligitur, sub generali permissione homines tentandi.

III. Specialia fames documenta, sive in rebus externis, sive in personis, inferre hominibus per seipso non possunt, neque extraordinarios & prodigiosos tentandi modos adhibere, absque speciali, in unoquoque casu particulari, permissione Dei: Colligitur aperte ex scriptura, exemplo Iobi c. 1. v. 12. & c. 2. v. 6. & exemplo Achab lib. 3. Reg. c. 22. v. 22. item documento porcorum Matth. 8. v. 39. Idem docent Damascenus lib. 2. fid. cap. 4. Augustinus lib. 20. de ciuit. cap. 8 & in psal. 77. & ferm. 193. de temp. & lib. 3. de. Trinit. cap. 8. & 9. Ratio mox afferetur.

IV. Sed nec per striges aut maleficos, sine speciali, in unoquoque casu particulari, permissione Dei, dæmones nocere hominibus possunt; sive ubi striges non adhibeant res naturaliter homini nocuas. Colligitur ex ijsdem scripturis, & testimoniis. Quocirca nec potest dæmon, suo arbitratu, tempestates cire, etiam si striges copias adhibitis, ollaue malefica effusa, diaboli in eam rem openi, inuocent; tametsi facilius hoc casu permittat Deus, exoptatum à strige malum per dæmonem, inferri; quia saltem aliqua ad eam rem hominis cooperatio accedit.

V. At vero quando striges à diabolo vnguentum venenosum seu naturaliter noxiun accepterunt, tunc sane suo ipse arbitratu, nisi Deus specialiter conatus obstat, eo vii, eiisque vnu & applicatione, quibus volunt, nocere possunt. Ratio est, Quia Deus ligauit diaboli potestatem, ne per se, suoque arbitratu noeat, vt colligitur, ex Luc. 11. versu 22. & Apocalyp. 20. versu 2. nec vnuquam generalem fecit ei potestatem, naturis rerum suo arbitratu vtendi, aut nocendi vii liberet. At vero hominibus, in hac vita, reliquit liberam potestatem, rebus naturalibus vtendi suo arbitratu, seu bene, seu male.

Atque ita quoque docet Trithemius lib. quest. ad Maximil. I. Imperatorem q. 7. vbi inter cetera etiam recte cauet, ne maleficium nouo maleficio depelli à Magistratibus permittatur. Non sunt; inquit, inter Christianos tolerandi, O sacra fæma Caesar, homines mente corrupti, & reprobi circa fidem, qui per maleficia curant maleficiatos; qui furta ministeria dæmonum revelant & adulteria; qui lapidum aut speculi inspectione preannuntiani futura. Non exaudiat illos, precor, qui diuinarum legum ignari, huiusmodi ministres dæmonum imperio tuo existimat viriles; propterea quod maleficio noverint maleficia dissoluere. Quoniam ista portuera curatio corporum mortem inducit animarum, & facit homines à Deo creatore omnium recedere, & impie spoliant dæmonibus adherere; cum quibus postmortem damnabuntur in æternum.

Nono queritur, vtrum omnes tentationes, omniaque peccata hominum, ex dæmonum machinatione proueniāt. Respondeo cum S. Thoma q. 114. a. 3. mediate quidem & remote omnia peccata, omnesque tentationes à dæmonе proueniare; quatenus induxit primū hominē ad peccatum,

ex quo

ex quo concupiscentia & naturæ corruptio, adeoque cætera peccata consecuta sunt, de quo nulla est controversia: directe vero & immediate non est omniū peccatorū seu tentationum causa; sed quædam ex libertate arbitrij nostri propriae; carnis corruptione nascuntur; iuxta illud Iacob. 1. v. 14. *vñs quisque tentatur à concupiscentia sua abfraſtuſ & illeſtuſ.*

Idem docent Origenes lib. 3. Periarchon capit. 2. Basilius in reg. breu. num. 75. Chrysostomus homil. 54. in Acta & in opere imperf. homil. 49. Gregorius Nanzianzenus carm. seu metro 52. Gennadius libro de Eccles. dogm. capit. 81. & Gregorius lib. 11. Moral. capit. 25. et si contrarium significant Leo serm. 4. de Collect. Auctor serm. 68. ad Fratres in Eremo, apud Augustin. Hieronym. in Eph. 6 Cassianus Collat. 7. Damascenus lib. 2. capit. 4. quibus fauer Suarez hic lib. 8. capit. 19. a num. 20. cum nonnullis recentioribus.

Ratio patet ex dictis. Quia cum concupiscentia partim sua natura sæpe fortuitis quibusq; casibus ab extrinseco excitetur, non est verisimile, à dæmonib⁹ omnes eiusmodi tentationes imitti; vt cunq; alias in suo labore & perdendi studio sint indefessi, de qua re pluribus differit Cassianus collat 7. c. 7. 15. 20. & collat. 8. c. 12.

Decimo quæritur, quid sentiendum sit de varijs dæmonum partitionibus, quas nonnulli graues authores à varijs nocendi studijs, aut habitatio- num diuersitate desumptas tradunt. Respondeo. De hac re agit Trithemius l. 8. qq. q. 6. vbi Orpheum, Pſellum, & ipsius Apollinis Pseudooraculum, apud Eusebium lib. 4. demonstrat. Euangeli- fæcetus, sex dæmonum genera recenset, nimirum igneum, aereum, terrestre, aquatum, subterra- nū, & lucifugum; eorumque etiam studia & affec- tuſ pliſe describit. Sed hac examine indigent; & vniuersim nec pbanda sunt, nec improbanda videntur, vt notauit etiam Delrius lib. 2. qu. 27. sect. 2. Certe S. Ignatius Martyr epistol. ad Ephes. ab ipso etiam Trithemio relatus, duo tantū eorū genera, omisso igneo, assignat, cum ait: *Nihil melius est, quam pacē habere, in qua omne telum e- vacuatur, aereorū ſimilis, & terrefrū ſpirituū.* Sub quibus utique coſtiam, qui in aquis, & speluncis quandoque hominibus inferti sunt comprehen- dit.

Nec vero simile est in regione ignis aliquos dæ- mones ordinarie habitare, quando ab Apostolo Epheſ. 6. Rectores tenebrarum, & à Iuda caligini, seu caliginoso aéri adscripti dicuntur: nec est quic- quā, quod in regione ignis aduersus homines ma- chinentur. Quod si dæmonū genus igneum dicatur, ab igne infernali, iam omnes dici poterunt ignei; non solum quia ab igne omnes patiuntur, sed etiam quia alternatim, & ad tempus omnes aliquandiu inferis addicuntur; vt superius dub. præced. dictum. Ob quam causam etiam non est verosimile, eosdem numero spiritus perpetuo aut in aquis, aut in speluncis degere, sed pro occurrentium circumstantiarum varietate, varijs in locis, ad seducendos homines, incum- bere.

Tom. I.

Plenius ex scriptura varia dæmonum studia- & affec- tuſ describit Cassianus collat. 7. capit. 32. vbi tamē & illud, tum Trithemio commun- pia interpretatione indiget, cum ait, quosdam dæmonum solummodo loculatores esse; ut non tormentis hominum, sed derisione delectentur; & illuſione contenti, fatigare potius studeant, quam noce- re. Quorum similia etiam habet S. Antonius apud Athanasium in vita eiusdem: nimurum, quia plus illis diuinitus non permittitur, vt recte ab Henrico Guicchio in citatum locum Cassiani annotatum. Vide quæ in simili diximus supra quæſt. I. dub. I. de imperitia & inertia dæmonum. Plura de dæmonum tentationibus & studijs ex Pa- tribus & historijs Cocciustom, I. 4. a. 5. & 6.

D U B I U M VIII.

De Praſidio, ministerio, ac cuſto- dia bonorum Angelorum, erga homines, aliasque reſcreatas.

8. Thom. I. p. q. 112. & 113.

Contra malum bonum est, & contra mortē vita. Sc. Et sic intuere in omni opera Altissimi; duo & duo; & unum contra unum, inquit Ecclesiasticus c. 33. v. 15. Quando igitur de infestationibus dæmoniū actum est dub. præced. sequitur, vt etiam de ptectione & custodia bonorum Angelorum agam, totamq; adeo materiam de Angelis hoc argumen- to feliciter concludamus; de quo S. Thomas ex instituto agit cit. q. 112. & 113. Nos vero vt in præcedenti dubio factum, aliquot quæſiunculus rem paucis complectemur.

Vbi tamen primo illud veluti ex fide certum principium vniuersim supponimus, bonos Ange- los esse ministros Dei, in procuranda & promouēda hominum salute, ac proinde in hæc studia varijs modis, iuxta benignissimam diuinæ prouiden- tiae dispositionem, incumbere; ac sæpe tum visibiliter (vti dictum quæſt. 5. dub. 5.) tum inuisibiliter ad homines, seu in has terras mitti; vti patet tum ex plurimis alijs Scripturæ testi- monijs, paulo post inferius referendis, & ex parte relatis supra cit. dub. 5. tum generatim ex illo Apostoli Heb. I. v. 14. *Nonne omnes sunt ad- ministratorij ſpiritus in ministerium mihi, propter eos, qui hæreditatem capiunt ſalutis?*

Supponimus secundo, id quod non minus certum, & extra controversiam est, absolute lo- quendo, à Deo mitti posse ad hanc procurationē omnes Angelos, imo vero re ipsa quoq; aliquando à Deo destinari omnes, si non missione externa, qua sit per motū localē, certe tamē internā, (li- cet hæc sit minus proprie dicta missio, vt bene Suarez lib. 6. cap. 9. num. 17.) qua sit per illu- minationem, qua superior Angelus, in gratiam & commodum hominum, Angelos inferiores illuminet: vt vel ob hanc etiam causam ab Apo- stolo omnes Angeli dicantur administratorij ſpiritus cit. Heb. I. prout etiam docet S. Thomas q. 112. a. 2. ad. 1. His positis,

Quæritur primo, an ex omni hierarchy, & or-

4

T t t 3

dine,